

1 Julai, 1981

## Pemimpin tegas pun di kasahi orang

Bahan asal dari Arkib

Negara Malaysia

"Airmata akhiri sidang", kata sebuah tajuk kecil di Utusan Melayu Jun 28, 1981. Berita di bawahnya berkata, Perhimpunan Agung UMNO yang ke-32 berakhir dengan suasana yang mengharukan bila bekas Presiden UMNO Datuk Hussein Onn bangun memeluk Datuk Seri Dr. Mahathir Presiden UMNO yang baru sebaik-baiknya sahaja belian selesai membuat ucapan penutupan.

Sebelum pada itu pula beberapa orang perwakilan, wanita dan lelaki, telah jua menitikkan airmata setelah mendengar pengumuman rasmi yang Datuk Hussein Onn akan meletak jawatan sebagai Perdana Menteri mulai 16 haribulan depan.

Malay Mail Jun 28, 1981 pula menyiarkan gambar yang menunjukkan seorang Menteri wanita menangis teresak-esak di waktu bersalaman dengan Datuk Hussein Onn. Selain dari peristiwa-peristiwa sedih dikisahkan tadi, beberapa orang perwakilan telah jua menyuarakan penghargaan dan perburmaan mereka terhadap jasa dan sumbangan Datuk Hussein Onn, selaku Presiden Parti merangkap Perdana Menteri.

\* \* \*

### *Catitan Khas:*

Maksud penulis mencatatkan peristiwa yang telah diketahui umum itu ialah untuk membuktikan bahawa seseorang pemimpin yang tegas, jujur dan berani dan yang berpandukan kepada "conscience" dan keadilan di waktu menjalankan tugas adalah jua dikasahi ramai. Penulis percaya mesej yang terkandung dalam berita yang penulis dikisahkan tadi akan menaikkan semangat pemimpin-pemimpin yang berkemah di hari ini dan dengan itu mereka tidak akan takut menjalankan tugas secara berpandukan kepada "conscience" dan kepada slogan Barisan Nasional di waktu Pilihaanraya dahulu, iaitu "Kerajaan adil dan berah".

Para pemimpin yang berpandukan kepada slogan tersebut mungkin tidak akan dicintai oleh setengah-setengah golongan manusia, tapi bila mereka mengundur diri nanti perkhidmatan cemerlang mereka akan disanjung tinggi oleh rakyat dan akan lama di kenang orang.

*Nota:* Bercakap mengenai pemimpin jujur dan berani, penulis terbaca di Bangkok Post Jun 25, 1981 berita yang mengisahkan bagaimana seorang Jeneral Thailand yang telah bersara, iaitu Jeneral Sitthi Jirarete, telah dilantik oleh Perdana Menteri Prem sebagai Menteri Dalam Negeri yang baru.

Apabila ditanya oleh para pemberita mengapa belian telah memilih seorang Jeneral bersara, Perdana Menteri Prem menjawab: "Belian adalah seorang yang baik dan jujur dan mempunyai rekod perkhidmatan dan latarbelakang yang amat baik."

Corita dari Thailand ini adalah menunjukkan bahawa pemimpin-pemimpin yang baik dan jujur, tidak akan mudah dilupai orang, meski pun mereka sudah bersara.